

**ZAPISNIK O RADU ŠESTE SJEDNICE
GRADSKOG VIJEĆA GRADA SARAJEVA
ODRŽANE 26.07.2017. GODINE**

Broj: 01-02-1266/17

Datum: 26.07.2017. godine

Sjednica je počela s radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.** Prisutni su bili sljedeći gradski vijećnici:

- | | |
|-----------------------------|--------------------------|
| 1. Dr. Igor Gavrić | 15. Almedin Miladin |
| 2. Bajro Biber | 16. Snežana Omukić |
| 3. Mr. Vedad Deljković | 17. Mr. Enes Peštek |
| 4. Adnan Talić | 18. Mr. Srđan Simonović |
| 5. Mr. Tea Drekočić | 19. Srđan Srdić |
| 6. Samir Fazlić | 20. Mr. Sead Srna |
| 7. Sanela Fijuljanin | 21. Dado Stojnić |
| 8. Edina Gabela | 22. Barbara Peleš Stroil |
| 9. Nuko Grebović | 23. Nihad Uk |
| 10. Reuf Hafizović | 24. Lana Velić |
| 11. Mr. Vibor Handžić, | 25. Toni Vukadin |
| 12. Mira Jurić | 26. Miroslav Živanović |
| 13. Prof. dr. Velija Katica | |
| 14. Miro Lazović | |

Odsutni: Mr. Hazim Bahtanović, Vedran Dodik (najavljeni izostanci)

Pored gradskih vijećnika sjednici su prisustvovali:

1. Ivica Šarić, zamjenik Gradonačelnika
2. Safet Krajišnik, Sekretar Gradskog vijeća,
3. Jasmina Karović, pravobranilac Grada Sarajeva,
4. Elvir Hadžiahmetović, sekretar Gradske uprave,
5. Firdevsa Bračković, pomoćnik Gradonačelnika za lokalno poslovanje i razvoj grada,
6. Dragana Solaković, pomoćnik Gradonačelnika za lokalnu samoupravu,
7. Nedreta Komarica, pomoćnik Gradonačelnika za urbano planiranje i stambene poslove,
8. Amela Kolovrat, pomoćnik Gradonačelnika za finansije,
9. Hamdo Karić, pomoćnik Gradonačelnika za komunalne poslove,
10. Članovi Komisije za Statut i akte koji nisu gradski vijećnici (prema evidenciji u Službi Gradskog vijeća)
11. Članovi Odbora za budžet i finansije koji nisu gradski vijećnici (prema evidenciji u Službi Gradskog vijeća)

Predsjedavajući Gradskog vijeća Igor Gavrić je pozdravio prisutne gradske vijećnike i goste te otvorio Šestu sjednicu Gradskog vijeća Grada Sarajeva konstatacijom da sjednici prisustvuju 22 gradska vijećnika, da su izostanak najavili gradski vijećnik Hazim Bahtanović i gradski vijećnik Vedran Dodik, a da je gradski vijećnik Dado Stojnić najavio kašnjenje.

Zatim je konstatirao da sjednica Gradskog vijeća ima kvorum za punovažan rad i odlučivanje.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova "za", bez glasova "protiv" i bez "suzdržanih" glasova prisutnih gradskih vijećnika (šest gradskih vijećnika se nije izjasnilo), **usvojilo je Zapisnik o radu Pete sjednice Gradskog vijeća Grada Sarajeva**, održane 28.06.2017. godine.

Predsjedavajući Gradskog vijeća Igor Gavrić je najavio utvrđivanje dnevnog reda i dao uvodne napomene sljedećeg sadržaja.

Uz poziv za sjednicu Gradskog vijeća, gradskim vijećnicima je dostavljen prijedlog dnevnoga reda sa materijalima i izvještajima nadležnih radnih tijela o predloženim aktima. Izvještaji sa sjednica radnih tijela održanih prošle i početkom ove sedmice, naknadno su postavljeni na službenu internetsku stranicu Gradskog vijeća Grada Sarajeva.

Zatim je **Predsjedavajući Gradskog vijeća Igor Gavrić** najavio razmatranje prethodnih pitanja i to putem jedinstvene rasprave, za akte koji su predloženi za razmatranje po proceduri, utvrđenoj Poslovníkom Gradskog vijeća koja to zahtjeva i to:

- Odluka o uspostavljanju saradnje između Grada Sarajeva i Grada Sofije,
- Odluka o izmjenama i dopunama Odluke o pristupanju izradi Regulacionog plana "Brdo Hrasno",
- Odluka o stavljanju van snage Odluke o Registru budžetskih korisnika Grada Sarajeva,
- Odluka o izmjenama i dopunama Budžeta Grada Sarajeva za 2017. godinu,
- Odluka o izvršavanju Budžeta za 2017. godinu.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova prisutnih gradskih vijećnika (tri gradska vijećnika se nisu izjasnila), usvojilo je prijedlog da se Odluka o uspostavljanju saradnje između Grada Sarajeva i Grada Sofije razmatra po skraćenom postupku, u formi prijedloga i kao takva uvrsti u prijedlog dnevnog reda Šeste sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom "za", bez glasova "protiv" i bez "suzdržanih" glasova prisutnih gradskih vijećnika (tri gradska vijećnika se nisu izjasnila), usvojilo je prijedlog da se Odluka o izmjenama i dopunama Odluke o pristupanju izradi Regulacionog plana "Brdo Hrasno" razmatra po skraćenom postupku, u formi prijedloga i kao takva uvrsti u prijedlog dnevnog reda Šeste sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa "za", bez glasova "protiv" i bez "suzdržanih" glasova prisutnih gradskih vijećnika, usvojilo je **prijedlog** da se Odluka o stavljanju van snage Odluke o Registru budžetskih korisnika Grada Sarajeva razmatra po skraćenom postupku, u formi prijedloga i kao takva uvrsti u prijedlog dnevnog reda Šeste sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 20 glasova "za", bez glasova "protiv" i bez "suzdržanih" glasova prisutnih gradskih vijećnika (tri gradska vijećnika se nisu izjasnila), usvojilo je **prijedlog** da se Odluka o izmjenama i dopunama Budžeta Grada Sarajeva za 2017. godinu razmatra po skraćenom postupku, u formi prijedloga i kao takva uvrsti u prijedlog dnevnog reda Šeste sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa "za", bez glasova "protiv" i bez "suzdržanih" glasova prisutnih gradskih vijećnika, usvojilo je **prijedlog** da se Odluka o izvršavanju Budžeta za 2017. godinu razmatra po skraćenom postupku, u formi prijedloga i kao takva uvrsti u prijedlog dnevnog reda Šeste sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova prisutnih gradskih vijećnika (jedan gradski vijećnik se nije izjasnio), za svoju Šestu sjednicu, usvojilo je sljedeći **dnevni red**:

1. **Prijedlog Odluke o uspostavljanju saradnje između Grada Sarajeva i Grada Sofije**
2. **Prijedlog Odluke o izmjenama i dopunama Odluke o pristupanju izradi Regulacionog plana "Brdo Hrasno"**
3. **Prijedlog Odluke o stavljanju van snage Odluke o Registru budžetskih korisnika Grada Sarajeva**
4. **Prijedlog Odluke o izmjenama i dopunama Budžeta Grada Sarajeva za 2017. godinu**
5. **Prijedlog Odluke o izvršavanju Budžeta Grada Sarajeva za 2017. godinu**
6. **Prijedlog zajedničkog djelovanja jedinica lokalne samouprave i Kantona Sarajevo, te planiranja i finansiranja razvoja turizma u Sarajevu**
7. **Periodični izvještaj o aktivnostima Grada Sarajeva u oblasti međunarodne saradnje**
8. **Informacija o realizaciji vijećničkih pitanja i inicijativa za tekuću godinu**
9. **Vijećnička pitanja i inicijative**

Ad 1)

Prijedlog Odluke o uspostavljanju saradnje između Grada Sarajeva i Grada Sofije

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač Odluke Gradonačelnik, da je materijal razmatrala Komisija za međunarodnu suradnju i podržala prijedlog, te da je Komisija za Statut i akte podržala formu predloženog akta.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, **bez rasprave**, jednoglasno, izjasnivši se sa **23** glasa "za", bez glasova "protiv" i bez "suzdržanih" glasova prisutnih gradskih vijećnika, usvojilo je **Odluku o uspostavljanju saradnje između Grada Sarajeva i Grada Sofije** kako je predložena.

Ad 2)

Prijedlog Odluke o izmjenama i dopunama Odluke o pristupanju izradi Regulacionog plana "Brdo Hrasno"

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Gradonačelnik, te da su materijal razmatrala nadležna radna tijela i to Odbor za urbanizam i upotrebu lokalnog zemljišta koji je formulirao prijedlog za zaključivanje i Komisija za Statut i akte koja je podržala formu predloženog akta.

Gradonačelnik Abdulah Skaka se obratio Gradskom vijeću i najavio **stručnog savjetnika u Gradskoj službi za urbano planiranje i stambene poslove Arijanu Musić** koja je dala **uvodno izlaganje** u ime Gradonačelnika i izjasnila se da je prijedlog Odbora za urbanizam i upotrebu lokalnog zemljišta prihvaćen, te da je prihvaćeno rješenje postalo sastavni dio predložene odluke.

U daljoj raspravi su svoje stavove i mišljenja, odnosno pitanja uputili **gradski vijećnik Samir Fazlić, gradski vijećnik Nuko Grebović, gradski vijećnik Vibor Handžić i gradski vijećnik Velija Katica**, a dodatna obrazloženja i odgovore na pitanja dali su **stručni savjetnik u Gradskoj službi za urbano planiranje i stambene poslove Arijana Musić i Gradonačelnik Abdulah Skaka**.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva**, poslije rasprave, **jednoglasno**, izjasnivši se sa 24 glasa "za", bez glasova "protiv" i bez "suzdržanih" glasova prisutnih gradskih vijećnika, usvojilo je **Odluku o izmjenama i dopunama Odluke o pristupanju izradi Regulacionog plana "Brdo Hrasno"** kako je predložena.

Ad 3)

Prijedlog Odluke o stavljanju van snage Odluke o Registru budžetskih korisnika Grada Sarajeva

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Gradonačelnik, te da su materijal razmatrala nadležna radna tijela i to Administrativna komisija, Odbor za budžet i finansije i Komisija za Statut i akte, te da su izvještaji radnih tijela dostupni gradskim vijećnicima.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva**, bez rasprave, **većinom glasova**, izjasnivši se sa 19 glasova "za", četiri glasa "protiv" i jednim "suzdržanim" glasom prisutnih gradskih vijećnika (jedan gradski vijećnik se nije izjasnio), usvojilo je **Odluku o stavljanju van snage Odluke o Registru budžetskih korisnika Grada Sarajeva** kako je predložena.

Ad 4)

Prijedlog Odluke o izmjenama i dopunama Budžeta Grada Sarajeva za 2017. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Gradonačelnik, da su materijal razmatrala nadležna radna tijela i to Administrativna komisija, Odbor za budžet i finansije i Komisija za Statut i akte, te da su izvještaji radnih tijela dostupni gradskim vijećnicima.

Pozvao je Predlagača da se očituje o prijedlozima sadržanim u podnesenim amandmanima, podsjetio na proceduru podnošenja amandmana kada se predloženi akt razmatra po skraćenom postupku i najavio pauzu u radu sjednice Gradskog vijeća, u kojoj će se sastati nadležna radna tijela kako bi dala mišljenja o podnesenim amandmanima.

Predsjedavajući Gradskog vijeća Igor Gavrić je najavio nastavak sjednice uz napomenu da su radna tijela razmatrala amandmane te zatražio izjašnjenje Gradonačelnika.

Gradonačelnik Abdulah Skaka se obratio Gradskom vijeću i najavio **pomoćnika Gradonačelnika za finansije Amelu Kolovrat** koja je je iznijela očitovanje Predlagača o podnesenim amandmanima kako slijedi.

Predlagač ne prihvća Amandmane Kluba Gradskih vijećnika Naše stranake.

U raspravi je svojim stavovima i mišljenjima sudjelovao **gradski vijećnik Miroslav Živanović**, te **gradski vijećnik Vibor Handžić**, a poslije dodatnog obrazloženja Gradonačelnika Abdulaha Skake, izjasnio se da Klub gradskih vijećnika Naše stranke ostaje pri amandmanima i zatražio da se Gradsko vijeće o njima izjasni.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, poslije rasprave, izjasnivši se sa 12 glasova “za”, tri glasa “protiv” i uz osam “suzdržanih” glasova prisutnih gradskih vijećnika (tri gradska vijećnika se nisu izjasnila), nije usvojilo sljedeći amandman Kluba gradskih vijećnika Naše stranke:

Amandman I.

U Prijedlogu Odluke o izmjenama i dopunama Budžeta Grada Sarajeva za 2017. godinu, otvara se nova budžetska stavka "**Humanitarna organizacija studenata 'Ruku na srce' — podrška projektu Nijedno dijete bez paketa**" u iznosu od **6.800.00 KM**, a nedostajuća razlika se osigurava tako da se za taj iznos umanjuje iznos planiran pod stavkom "Grantovi neprofitnim organizacijama - konto 614300, tačka 38. Postavljanje jarbola na brdu Hum" - tako da se predloženi iznos umanjuje za 6.800.00 KM.

Obrazloženje: Tražimo formiranje fonda za humanitarnu organizaciju „Ruku na srce“ za projekat dodjele paketića djeci iz socijalno ugroženih porodica pod nazivom „**Nijedno dijete bez paketića**“. Projekat se realizuje već šest godina te iz godine u godinu raste. Prve godine pripremili su 260 paketića za najmlađe, prethodne 850, a već 2016. godine došli su do brojke od 1600 novogodišnjih paketića. To je rezultat velikog truda i rada svih njihovih volontera na koje trebamo biti izuzetno ponosni, jer nesebično izdvajaju svoje slobodno vrijeme zbog dobrobiti drugih. Organizacija „Ruku na srce“, je svojim radom pokazala ozbiljnost i iskrene namjere za podršku svim socijalno ugroženim porodicama u gradu Sarajevu, stoga smatramo da ih i Grad treba podržati izdvajanjem novčanih sredstava za realizaciju iznad opisanog projekta.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, poslije rasprave, izjasnivši se sa 10 glasova “za”, dva glasa “protiv” i uz 11 “suzdržanih” glasova

prisutnih gradskih vijećnika (dva gradska vijećnika se nisu izjasnila), nije usvojilo sljedeći amandman Kluba gradskih vijećnika Naše stranke:

Amandman II

U Prijedlogu Odluke o izmjenama i dopunama Budžeta Grada Sarajeva za 2017. godinu otvara se nova budžetska stavka "**Grant Akademiji Fudbalskog kluba Sarajevo**" u iznosu od 30.000.00 KM, nedostajuća razlika se osigurava tako da se za taj iznos umanjuje iznos planiran pod stavkom "Grantovi neprofitnim organizacijama - konto 614300, tačka 38. Postavljanje jarbola na brdu Hum" - tako da se predloženi iznos umanjuje za 30.000.00 KM.

Obrazloženje: Zbog rezultata koje bilježi Akademija fudbalskog kluba Sarajevo, kao i potrebe za izgradnjom Kampa, tražimo da Grad Sarajevo podrži rad ove fudbalske akademije iznosom od 30.000 KM. S obzirom na to da je Grad Sarajevo prošle godine izdvojio sredstva u iznosu od 50.000 KM za projekat „Evropska Grbavica“, što je zaista pohvalno, smatramo da je jako važno nastaviti kontinuiran vid podrške najuspješnijim sportskim kolektivima grada Sarajeva, ali i našim mališanima omogućiti bolje uslove za napredak i izgradnju uspješne sportske karijere. Sve to će na kraju doprinijeti i boljoj promociji samoga grada Sarajeva.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, izjasnivši se sa 11 glasova “za”, dva glasa “protiv” i uz 10 “suzdržanih” glasova prisutnih gradskih vijećnika (jedan se gradski vijećnik nije izjasnio), nije usvojilo sljedeći amandman Kluba gradskih vijećnika Naše stranke:

Amandman III

U Prijedlogu Odluke o izmjenama i dopunama Budžeta Grada Sarajeva za 2017. godinu otvara se nova budžetska stavka "**Grant JU Biblioteka grada Sarajeva**" u iznosu od **10.000.00 KM**, nedostajuća razlika se osigurava tako da se za taj iznos umanjuje iznos planiran pod stavkom "Grantovi neprofitnim organizacijama - konto 614300, tačka 38. Postavljanje jarbola na brdu Hum" - tako da se predloženi iznos umanjuje za 10.000.00 KM.

Obrazloženje: Predlažemo da se podrži nabavka dodatnog knjižnog fonda JU Biblioteka Grada Sarajeva. Jasno je da veliki broj učenika nema pristup pojedinim knjigama koje su obavezna lektira u školama. Stoga, tražimo od Grada da finansira nabavku naslova lektira koje se nalaze u školskim programima u KS, kao i da podrži nabavku dodatnih naslova na engleskom jeziku te da se na ovaj način obogati knjižni fond gradskih biblioteka.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, izjasnivši se sa 12 glasova “za”, dva glasa “protiv” i uz devet “suzdržanih” glasova prisutnih gradskih vijećnika (jedan gradski vijećnik se nije izjasnio), nije usvojilo sljedeći amandman Kluba gradskih vijećnika Naše stranke:

Amandman IV

U Prijedlogu Odluke o izmjenama i dopunama Budžeta Grada Sarajeva za 2017. godinu otvara se nova budžetska stavka "**Zamjena info panoa koji se nalazi na Skenderija mostu za turistički info terminal (touch screen)**" u iznosu od **20.000.00 KM**, a nedostajuća razlika se osigurava tako da se za taj iznos umanjuje iznos koji se planira na razdjelu "Grad Sarajevo", Ugovorene usluge-ekonomski kod 613900-tako da se predloženi iznos umanjuje za 20.000.00 KM.

Obrazloženje: Umjesto info panoa koji se nalazi na Skenderija mostu, tražimo postavljanje turističkog informativnog terminala, koji bi imao touch screen, putem kojeg će turisti i građani biti u mogućnosti dobiti sve informacije o gradu Sarajevu, njegovoj turističkoj ponudi i redovima vožnje javnog gradskog saobraćaja na jednom mjestu na bosanskom i engleskom jeziku.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasniviši se sa 17 glasova “za”, bez glasova “protiv” i uz šest “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je sljedeći amandman Kluba gradskih vijećnika Naše stranke:

Amandman V

U Prijedlogu Odluke o izmjenama i dopunama Budžeta Grada Sarajeva za 2017. godinu otvara se nova budžetska stavka **"Realizacija inicijative postavljanja spomenika Dariju Džamonji i Kemalu Montenu i uređenje parka" u iznosu od 30.000,00 KM**, a nedostajuća razlika se osigurava tako da se za taj iznos umanjuje iznos koji se planira na razdjelu "Grad Sarajevo", Ugovorene usluge-ekonomski kod 613900-tako da se predloženi iznos umanjuje za 30.000.00 KM.

Obrazloženje: Iniciramo da se rebalansom Budžeta za 2017. godinu izdvoje neophodna sredstva za realizaciju inicijative postavljanja spomenika Dariju Džamonji i Kemalu Montenu u parku kod FIS-a te rekonstrukciji spomenutog parka. Naime, na Četvrtoj sjednici Gradskog vijeća, održanoj 31.05.2017. godine, vijećnik Nihad Uk podnio je ovu inicijativu koja je jednoglasno usvojena. S obzirom na to da su za realizaciju inicijative potrebna novčana sredstva, koja bi trebala biti planirana rebalansom Budžeta, u ovu svrhu predlažemo izdvajanje sredstava u iznosu od 30.000 KM.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, izjasniviši se sa devet glasova “za”, tri glasa “protiv” i uz 10 “suzdržanih” glasova prisutnih gradskih vijećnika (dva gradska vijećnika se nisu izjasnila), nije usvojilo sljedeći amandman Kluba gradskih vijećnika Naše stranke:

Amandman VI

U Prijedlogu Odluke o izmjenama i dopunama Budžeta Grada Sarajeva za 2017. godinu otvara se nova budžetska stavka **"Podrška razvoju i popularizaciji ženskog sporta u gradu Sarajevu" u iznosu od 30.000,00 KM**, a nedostajuća razlika se osigurava tako da se za taj iznos umanjuje stavka "Tekući grantovi drugim nivoima - konto 614100 - Sredstva za vjerske zajednice i crkve, tako da se predloženi iznos umanjuje za 30.000.00 KM.

Obrazloženje: Uzimajući u obzir činjenicu da je ženski sport u našem gradu relativno nerazvijen, što je usko povezano s nedostatkom adekvatne novčane podrške različitih nivoa vlasti razvoju i popularizaciji ženskog sporta, smatramo da bi ovim rebalansom Budžeta trebala biti predviđena sredstva upravo za podršku ženskim sportskim kolektivima, ali i pojedinim sportistkinjama individualno. Sredstva bi se dodijelila na osnovu uslova javnog poziva, definisanih odlukom koju bi donijelo Gradsko vijeće.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, izjasniviši se sa 11 glasova “za”, jednim glasom “protiv” i uz 10 “suzdržanih” glasova prisutnih gradskih vijećnika (dva gradska vijećnika se nisu izjasnila), nije usvojilo sljedeći amandman Kluba gradskih vijećnika Naše stranke:

Amandman VII

U Prijedlogu Odluke o izmjenama i dopunama Budžeta Grada Sarajeva za 2017. godinu otvara se nova budžetska stavka **"Sufinansiranje nabavke vozila za Gorsku službu spašavanja" u iznosu od 15.000,00 KM**, a nedostajuća razlika se osigurava tako da se za taj iznos umanjuje stavka "Grantovi neprofitnim organizacijama - konto 614300, tačka 24. Grantovi za nepredviđene izdatke - tako da se taj iznos umanjuje za 15.000.00 KM.

Obrazloženje: Gorska služba spašavanja Sarajevo je odlično organizovana služba koja se poziva u najtežim situacijama. S obzirom da se u zadnjih nekoliko godina desilo nekoliko nesreća gdje su pripadnici GSS uspjeli nadljudskim naporima spasiti živote ljudi, još prilikom izrade budžeta za

2016. godinu pokrenuta je inicijativa da Grad Sarajevo bude nosilac aktivnosti nabavke specijalnog kombi vozila za prevoz do mjesta nesreće. Iznos koji je potreban može se obezbjediti u saradnji sa gradskim općinama, gdje je Općina Centar već izdvojila 15.000.00 KM, a i Općina Novo Sarajevo izrazila spremnost da izdvoji sredstva. Napominjemo da će GSS biti nezaobilazan faktor i za funkcionisanje EYOF 2019.

Na poziv **Predsjedavajućeg Gradskog vijeća Igora Gavrića**, Gradsko vijeće Grada Sarajeva, izjasnivši se sa osam glasova "za", jednim glasom "protiv" i uz 13 "suzdržanih" glasova prisutnih gradskih vijećnika (dva gradska vijećnika se nisu izjasnila), nije usvojilo sljedeći amandman Kluba gradskih vijećnika Naše stranke:

Amandman VIII

U Prijedlogu Odluke o izmjenama i dopunama Budžeta Grada Sarajeva za 2017. godinu u dijelu „Grantovi neprofitnim organizacijama” - konto 614300, pod rednim brojem 1. **Primjena Odluke o utvrđivanju sufinansiranja kulturnih manifestacija od posebnog interesa za grad Sarajevo, planirani iznos se mijenja tako da glasi 120.000.00KM**, a nedostajuća razlika se osigurava: - tako da se za iznos umanjuje stavka "Tekući grantovi drugim nivoima - konto 614100, tačka 16. Sufinansiranje Sarajevo film festivala" - tako da se umanjuje za iznos 50.000.00 KM; - da se umanjuje iznos planiran na razdjelu "Grad Sarajevo" - ekonomski kod 613900 - Ugovorene usluge, tako da se taj iznos umanjuje za 40.000.00 KM - tako da se za iznos umanjuje iznos planiran na stavki "Grantovi neprofitnim organizacijama- konto 614300, tačka 18. Primjena Odluke o uslovima i postupku prihvatanja pokroviteljstva Grada Sarajeva" - tako da se umanjuje za iznos od 30.000.00 KM.

Obrazloženje: Naša stranka smatra da je Odluku o utvrđivanju sufinansiranja kulturnih manifestacija od posebnog interesa za Grad Sarajevo obavezno potrebno vratiti u sistem finansiranja iz Budžeta Grada Sarajeva, s obzirom na značaj manifestacija. Također smatramo, iako je značaj Sarajevo film festivala neupitan, da je jako loša praksa finansirati isključivo jednu manifestaciju u odnosu na sve ostale kulturne manifestacije od posebnog značaja za Grad Sarajevo, te na taj način druge manifestacije dovoditi u neravnopravan položaj. Zbog toga predlažemo vraćanje sredstava u okvire generalne budžetske stavke, kako bi, pored Sarajevo film festivala, Grad Sarajevo sufinansirao i druge kulturne manifestacije predviđene našom odlukom.

Na poziv **Predsjedavajućeg Gradskog vijeća Igora Gavrića**, Gradsko vijeće Grada Sarajeva, izjasnivši se sa 10 glasova "za", bez glasova "protiv" i uz 12 "suzdržanih" glasova prisutnih gradskih vijećnika (dva gradska vijećnika se nisu izjasnila), nije usvojilo sljedeći amandman Kluba gradskih vijećnika Naše stranke:

Amandman IX

U prijedlogu Budžeta Grada Sarajeva za 2017. godinu. u dijelu "**Tekući grantovi javnim preduzećima i ustanovama**" - konto 614400, pod rednim brojem 2. "**Finansijska podrška Ustanovama kulture BiH**", planirani iznos se mijenja tako da glasi 50.000.00 KM, a nedostajuća razlika se osigurava tako da se za taj iznos umanjuje iznos koji se planira u razdjelu "Grad Sarajevo" - Ugovorene usluge - ekonomski kod 613900 - tako da se predloženi iznos umanjuje za 50.000.00 KM. Obrazloženje: Grad Sarajevo se potpisivanjem Memoranduma o razumijevanju i finansiranju rada 7 institucija kulture od značaja za BiH, obavezao u naredne 3 godine pružati finansijsku podršku ustanovama kulture od značaja za Bosnu i Hercegovinu, te zbog toga predlažemo da se u Budžetu planira jednak iznos sredstava kao i za prethodnu, 2016. godinu.

Poslje izjašnjavanja, rasprave o proceduri glasanja, u kojoj su sudjelovali **Predsjedavajući Gradskog vijeća Igor Gavrić**, zamjenica **Predsjedavajućeg Gradskog vijeća Edina Gabela** i gradski vijećnik **Velija Katica**, i ponovljenog izjašnjavanja, na poziv **Predsjedavajućeg Gradskog**

vijeća Igora Gavrića, Gradsko vijeće Grada Sarajeva, većinom glasova, izjasnivši se sa 17 glasova “za”, četiri glasa “protiv” i uz tri “suzdržana” glasa prisutnih gradskih vijećnika, usvojilo je Odluku o izmjenama i dopunama Budžeta Grada Sarajeva za 2017. godinu kako je predložena i izmijenjena, uvrštavanjem u predloženu odluku, rješenja iz usvojenog Amandmana V Kluba gradskih vijećnika Naše stranke.

Ad 5)

Prijedlog Odluke o izvršavanju Budžeta Grada Sarajeva za 2017. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač Odluke Gradonačelnik, da su materijal razmatrala nadležna radna tijela, Administrativna komisija, Odbor za budžet i finansije i Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, izjasnivši se sa 20 glasova “za”, četiri glasa “protiv” i bez “suzdržanih” glasova prisutnih gradskih vijećnika, usvojilo je Odluku o izvršavanju Budžeta Grada Sarajeva za 2017. godinu.

Ad 6)

Prijedlog zajedničkog djelovanja jedinica lokalne samouprave i Kantona Sarajevo, te planiranja i finansiranja razvoja turizma u Sarajevu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač materijala Gradonačelnik, da je materijal razmatrao Odbor za lokalno poslovanje i turizam i predložio zaključak, te da je Komisija za Statut i akte podržala formu predloženog akta.

U raspravi su svoje primjedbe, sugestije, odnosno prijedloge iznijeli **gradski vijećnik Samir Fazlić i gradski vijećnik Nihad Uk**, a **Gradonačelnik Abdulah Skaka** se izjasnio da prihvata prijedlog da se razmotri mogućnost da se kao strane u budućem sporazumu, uvedu i Općina Ilidža, Općina Trnovo i Općina Vogošća.

Dalja obrazloženja je dala **pomoćnik Gradonačelnika za lokalno poslovanje i razvoj grada Firdevsa Bračković.**

Raspravu su nastavili **gradski vijećnik Samir Fazlić i Miroslav Živanović.**

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 20 glasova “za”, četiri glasa “protiv” i bez “suzdržanih” glasova prisutnih gradskih vijećnika, **na prijedlog Odbora za lokalno poslovanje i turizam** podržalo **Prijedlog zajedničkog djelovanja jedinica lokalne samouprave i Kantona Sarajevo, te planiranja i finansiranja razvoja turizma u Sarajevu** i usvojilo je sljedeći zaključak:

Zadužuje se Gradonačelnik da tekst Okvirnog sporazuma koji je sadržan u razmatranom Prijedlogu zajedničkog djelovanja jedinica lokalne samouprave i Kantona Sarajevo, te planiranja i finansiranja razvoja turizma u Sarajevu, razradi u saradnji sa predloženim stranama u sporazumu, te predloži Gradskom vijeću davanje saglasnosti na tako usklađen tekst sporazuma.

Ad 7)

Periodični izvještaj o aktivnostima Grada Sarajeva u oblasti međunarodne saradnje

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Izvještaj podnio Gradonačelnik, a da su materijal razmatrala nadležna radna tijela Komisija za međunarodnu suradnju i Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika (tri gradska vijećnika se nisu izjasnila) usvojilo je Periodični izvještaj o aktivnostima Grada Sarajeva u oblasti međunarodne saradnje kako je podnesen.

Ad 8)

Informacija o realizaciji vijećničkih pitanja i inicijativa za tekuću godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Informaciju podnio Gradonačelnik.

Predsjedavajući Gradskog vijeća Igor Gavrić, konstatirao je da je Gradsko vijeće primilo k znanju Informaciju o realizaciji vijećničkih pitanja i inicijativa za tekuću godinu kako je i predložena.

Ad 9)

Vijećnička pitanja i inicijative

Predsjedavajući Gradskog vijeća Igor Gavrić je u uvodnim napomenama najavio najprije razmatranje inicijative Odbora za urbanizam i upotrebu lokalnog zemljišta dostavljene u pismenoj formi.

- 1. Odbor za urbanizam i upotrebu lokalnog zemljišta** je uputio **inicijativu** kojom je predložio Gradskom vijeću donošenje konkretnog zaključka.
Gradsko vijeće je razmotrilo podnesenu inicijativu, te donijelo sljedeći **zaključak**:
"Zadužuje se Gradonačelnik da pripremi Informaciju o statusu započetih procesa u organima Grada Sarajeva za donošenje regulacionih planova, a prije donošenja Zakona o prostornom uređenju Kantona Sarajevo ("Službene novine Kantona Sarajevo", broj 24/17) ".

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 21 glasom “za”, bez glasova “protiv” i uz jedan “suzdržan” glas prisutnih gradskih vijećnika (dva gradska vijećnika se nisu izjasnila) podržalo je podnesenu inicijativu, te je ona postala inicijativom Gradskog vijeća Grada Sarajeva.

- 2. Zamjenica Predsjedavajućeg Gradskog vijeća Grada Sarajeva Mira Jurić** uputila je **inicijativu** u kojoj je predložila da se u protokol obilježavanja značajnih datuma i događaja uvrsti i 21.06. kao Dan odbrane sarajevskog naselja Dobrinja, a dostavila je inicijativu u pismenoj formi kako slijedi:
"Sve vas redom pozdravljam. Ja podnosim jednu inicijativu, da Gradsko vijeće Grada Sarajeva u svoj Plan i program obilježavanja značajnih datuma i događaja uvrsti 21.06. kao

Dan odbrane Sarajevskog naselja Dobrinja. Ja bih dala jedno malo obrazloženje da vam bude ovako jasnije. Ovo naselje je olimpijskog karaktera i bilo je u fokusu svjetske javnosti kao olimpijsko novinarsko naselje u kome je boravilo 5 000 novinara iz cijelog svijeta za vrijeme ZOI 84. Danas je to stambeno naselje sa preko 40 000 stanovnika koje je ponovo bilo u žiži svjetske javnosti 92-95 koje je polovinom maja '92. bilo okruženo sa svih strana kada su se njegovi stanovnici morali samoorganizovati i braniti svoj ponos i zaštititi svoje porodice. Njihova herojska odbrana ne smije pasti u zaborav, a među prvim žrtvama na Dobrinji bio je Slovenski novinar iz lista Mladina Ivo Štandeker. Dobrinja je u odbrambenom ratu 92-95 bila značajan bedem u odbrani grada Sarajeva a i same države, a pogotovo izgradnjom tunela D-B ispod aerodromske piste koji je bio koridor za sve. U junu mjesecu '92. neprijateljske snage izvršile su snažan napad na Aerodromsko naselje u cilju zauzimanja cijele Dobrinje ili podjele na dva dijela. Herojskom borbom svih branitelja grada Sarajeva i Dobrinje od 15. do 21. juna odbranjeno je naselje C-5 i potisnut neprijatelj sa kote vodovod Mojnilo kada je Dobrinja dobila kakvu takvu komunikaciju sa gradom i bila odbranjena. Mjesna zajednica Dobrinja B je odredila 21.06. kao datum odbrane Dobrinje kada se obilježava i Dan mjesne zajednice. Cilj ove inicijative je da se ne zaoboravi više od 313 palih branitelja i civilnih žrtava rata koji su dali živote za odbranu ovog naselja a među njima i 12 žena, te da Grad Sarajevo u svoj protokol uvrsti ovaj datum i da na Centralnom spomen obilježju u ulici Branilaca Dobrinje i Omladinskih radnih brigada na ovaj datum gradska delegacija položi cvijeće, te da se neko obrati građanima u ime Gradskog vijeća ili Gradske uprave da isti vide da nisu zaboravljeni. Nadam se da je ovo kratko obrazloženje dalo dovoljno argumenata da Gradska uprava i Gradsko vijeće ovaj datum i mjesto uvrste u svoj protokol. Unaprijed hvala".

3. Gradski vijećnik Samir Fazlić uputio je **vijećničko pitanje** sljedećeg sadržaja.

Nedavno je Gradonačelnik primio uvaženog arhitektu gospodina Štrausa koji je projektant više javnih objekata u gradu Sarajevu koji su prepoznatljivi i koji su na određeni način reperu u prostoru. "Da li je Gradonačelnik dao deklarativnu podršku ili će, u okviru svojih mogućnosti, eventualno iznaći neko rješenje kako bi se izašlo u susret gospodinu Štrausu i pomoglo na određeni način?"

Gradonačelnik Abdulah Skaka je usmeno odgovorio kako slijedi.

Cijeneći značaj djela arhitekta Ivana Štrausa za Grad Sarajevo i teške situacije u kojoj se nalazi, organiziran je prijem za gospodina Štrausa kod Gradonačelnika i ponuđena mu je pravna pomoć, budući da sada ne postoji mogućnost za drugi vid pomoći, dok se, eventualno, Gradsko vijeće na neki način o ovom problemu ne odredi.

4. Gradski vijećnik Miro Lazović uputio je **vijećničko pitanje** sljedećeg sadržaja.

Potrebno je da Gradonačelnik informira Gradsko vijeće o toku, te eventualnim problemima u toku realizacije Projekta obnove "Trebevičke žičare", budući da su prisutne informacije da još uvijek nije dobiveno rješenje o građenju.

Gradsko vijeće je primilo k znanju usmenu informaciju Gradonačelnika o toku aktivnosti na pribavljanju odobrenja za građenje "Trebevičke žičare", te je uslijedila rasprava, a kasnije je Gradsko vijeće, na osnovu prijedloga proizišlog iz rasprave, usvojilo sljedeći **zaključak**:

1. **Gradsko vijeće Grada Sarajeva upućuje zahvalnicu Općini Stari Grad Sarajevo na iznimnom angažmanu na ubrzanju procesa i na, više nego otvorenoj, saradnji pri pribavljanju dokumentacije potrebne za kompletiranje zahtjeva za izdavanje rješenja o građenju za realizaciju Projekta obnove "Trebevičke žičare".**
2. **Gradsko vijeće Grada Sarajeva upućuje molbu Općini Stari Grad, Načelniku Općine, da uloži dodatni napor da se, što je prije moguće, izda i rješenje o građenju, a kako bi se, u najvećoj mogućoj mjeri, mogla iskoristiti građevinska sezona koja je u toku, čime bi se bitno ubrao proces realizacije ovog izuzetno značajnog projekta za građane grada Sarajeva, a u tekućoj godini, najvažnijeg projekta Grada Sarajeva.**

5. **Gradski vijećnik Miro Lazović, uputio je inicijativu** sljedećeg sadržaja.

Budući da se planira nabavka novih stolica u Ovalnoj sali Gradskog vijeća, očekujemo da se nabave prikladnije stolice koje će omogućiti lakši pristup ovalnom stolu. Također, bilo bi dobro da Grad Sarajevo postojeće stolice donira ustanovi ili udruženju kome je to potrebno.

6. **Gradski vijećnik Nuko Grebović uputio je inicijativu** sljedećeg sadržaja.

Potrebno je da se u parku kraj Predsjedništva BiH, gdje su već postavljeni spomenici Mirzi Delibašiću i Davorinu Popoviću i gdje je inicirano postavljanje spomenika Dariju Džamonji i Kemal Montenu, postavi i spomenik Esadu Arnautaliću.

Zatražio je da se o podnesenoj inicijativi izjasne gradski vijećnici na sljedećoj sjednici Gradskog vijeća, a dostavio je i pismeno obrazloženje podnesene inicijative.

7. **Gradski vijećnik Nuko Grebović uputio je inicijativu** sljedećeg sadržaja.

Potrebno je uraditi kategorizaciju cijena ulaznica za objekte koji su pod ingerencijom Grada Sarajeva tako da budu različite cijene za domaće i strane posjetioce, te za đake i studente.

Podnesena inicijativa je dostavljena i u pisanoj formi.

8. **Gradski vijećnik Nuko Grebović uputio je vijećničko pitanje** sljedećeg sadržaja.

Budući da su građani Sarajeva ponosni na Sarajevo Film Festival, te da o njegovom značaju van BiH govori i činjenica da je ova manifestacija uvrštena i na evropsku listu filmskih festivala, primjereno je i pohvalno što je Grad Sarajevo pokrovitelj Festivala. S tim u vezi, "može li se organizirati da gradski vijećnici dobiju karte kako bi mogli pratiti projekcije i u Narodnom pozorištu Sarajevo na otvaranju Festivala i u Ljetnom kinu SFF-a (Metalac) gdje je poseban doživljaj gledanja filmova na otvorenom?"

9. **Gradski vijećnik Toni Vukadin uputio je inicijativu** sljedećeg sadržaja.

Potrebno je zatražiti od nadležnih organa (možda i od KJKP "Rad" Sarajevo) da se, na postojećim parkinzima u cijelom gradu, postave konstrukcije za sigurno ostavljanje bicikla, a posebno na području općine Novi Grad gdje nema niti jedan određen prostor za ovu namjenu.

Konačan cilj realizacije ove inicijative je poboljšanje kvalitete zraka u gradu Sarajevu.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 21 glasom "za", bez glasova "protiv" bez "suzdržanih" glasova prisutnih gradskih vijećnika (tri gradska vijećnika se nisu izjasnila) Gradsko vijeće je usvojilo zaključak proizišao iz rasprave o usmenoj informaciji Gradonačelnika o toku aktivnosti na pribavljanju odobrenja za građenje "Trebevičke žičare", a povodom vijećničkog pitanja gradskog vijećnika Mire Lazovića, navedenog pod brojem 4. ove tačke dnevnog reda sjednice.

Predsjedavajući Gradskog vijeća Grada Sarajeva Igor Gavrić je najavio održavanje Sedme sjednice Gradskog vijeća za srijedu 27.09.2017. godine. Najavio je i održavanje sjednice Kolegija Gradskog vijeća u pripremi ove sjednice za početak mjeseca septembra.

Zasjedanje je završeno u 12 sati i 50 minuta.

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Službi Gradskog vijeća Grada Sarajeva.

SEKRETAR GRADSKOG VIJEĆA
Safet Krajišnik, s.r.

PREDSJEDAVALJUĆI GRADSKOG VIJEĆA
Dr. Igor Gavrić, s.r.